



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Horologivm Sacerdotale Sacerdotibus tam Ecclesiasticis,  
quàm Religiosis, præsertim Neomystis Ordinem diei, &  
praxes indicans Opera quotidiana exactè, sanctéque  
obeundi**

**Dirckinck, Johann**

**Coloniæ, 1690**

Ignis Et Ligna Ad Victimam Holocausti Eucharistici. Sive Considerationes & affectus Pro Sacrificio Missæ in Pentecoste, à Festo Ascensionis Domini ad festum SS. Trinitatis.

[urn:nbn:de:hbz:466:1-50863](https://nbn-resolving.org/urn:nbn:de:hbz:466:1-50863)

grediar. Obsigna manus, ut semper opera  
charitatis exerceam : obsigna & latus ut  
affectus amoris tui & proximi indefinen-  
ter proferam in tempore & aeternitate.  
Amen.

IGNIS ET LIGNA  
AD VICTIMAM HOLOCAUSTI  
EUCCHARISTICI.

Sive

Considerationes & affectus  
Pro Sacrificio Missæ in Pentecoste, à Festo  
Ascensionis Domini ad festum  
SS. Trinitatis.

Deus Pater & Filius & Spiritus San-  
ctus ignis amoris.

*Dominus Deus tuus ignis consumens est.*  
Deut. 4.

Si populus & Sacerdotes veteres jubente  
Deo, tridui spatio tantâ curâ præparandi  
fuerunt, ut per Moysen legem obtinerent:  
*Sanctifica illos hodie & cras, laventq; ve-*  
*stimenta sua & sint parati in diem terti-*  
*am: omnis qui tetigerit montem morte*  
*morietur; lapidibus opprimetur, aut con-*  
*ietur jaculis. Sacerdotes quoque qui*  
acce-



*accedunt ad Dominum sanctificentur, & percussat eos.* Exod. 19. Quantâ diligentia, quantâ devotione & virtute se disponere ac sanctificare debebit Novæ Legis Sacerdos, ut non legem, sed ipsum Legislatorem infinitæ majestatis suscipiat?

*Suspiria per diem.*

Dominus in igne veniet *Isaia 66.*

Lampades ejus, lampades ignis atque flammarum. *Cant. 8.*

○ Veni S. Spiritus, reple tuorum corda fidelium, & tui amoris in eis ignem accende.

Pro compositione loci, cogita te in Cœnaculo, in medio Apostolorum & Discipulorum Spiritum S. in forma ignis suscipientium, preces fundere aut ad aram facere.

ANTE SACRIFICIUM.

Pro septem hebdomadis diebus.

I DIE DOMINICA

I. *Affectus Fidei.*

○ Fili Dei altissimi, in hostia sancta, & benedictionis calice, credote præsens esse Verbum divinum, Verbum vivum, æ-

ternum



ternum, infinitum, quod egressum est  
 egreditur, & egredietur in æternum ex  
 ore Patris æterni, manens etiam intra  
 ipsum cum omni divinitate: Verbum om-  
 nipotens, per quod omnia facta sunt, &  
 conservantur. Cùm verò tu, ò Dei Ver-  
 bum! dixeris Joan. 14. *Ego in Patre, &  
 Pater in me est*; ac proinde, ubicunq; est  
 Filius, ibi quoque sit Pater; credo etiam  
 in augustissimo Sacramento adesse Patrem  
 æternum, qui intra seipsum Filium suum  
 generat, quem semper generat, suamque  
 illi divinitatem communicat, & sic dile-  
 xit mundum, ut Filium suum unigenitum  
 daret, ut omnis qui credit in eum, & fi-  
 devivã recipit, non pereat, sed habeat vi-  
 tam æternam. Cùm autem nulla Persona  
 divina ab aliis separari valeat: credo quo-  
 que in hoc mysterio præsentem esse Spi-  
 ritum Sanctum, qui Patrem & Filium ob  
 naturæ unitatem comitatur; quem Pater  
 & Filius mutuo inter se amore exarde-  
 scendentes spirant, & æternùm spirabunt.  
 Quã igitur præparatione & puritate, quo  
 conatu & fervore ad sanctam, adoran-  
 damq; Trinitatem suscipiendam me dis-  
 ponam?  
 II. Pe-



II. *Petitio Puritatis ad Patrem cœlestem.*

**O** Pater cœlestis, actus purissime, munda me ab omni inquinamento carnis & spiritûs, ut mundus in conspectu tuo compaream, & purior ad fontem omnium puritatis accedam. O si cum omni puritate, quæ fragilitati humanæ possibilis est, sacrosanctum Filii tui corpus & sanguinem suscipere valerem. O si cum corpore puro, cum intellectu puro, memoriâ purâ, voluntate purâ, intentione purâ, affectu puro, ad oblationem mundam accederem, purè ad gloriam tuam, & ob nullum alium respectum; atque ad Angelorum & omnium creaturarum puritatem adspirarem! Sed ecce cœli non sunt mundi in conspectu tuo, quantò minùs homo, qui bibit quasi aquam iniquitatem! effunde igitur super me aquam mundam Spiritûs Sancti, & mundabor & super nivem dealabor. *O Pater noster qui es in cœlis!* ego superbiæ nævis coinquinor: *Sanctificetur nomen tuum*, quod facit humilitas. Avaritiæ maculis inficior, *Adveniat regnum tuum*, quod pauperibus Spiritu promittitur. *Invidiâ impetor: Fiat voluntas tua*



*sicut in celo & in terra: quod promittitur misericordibus. Libidine impugnor: Panem nostrum quotidianum da nobis hodie, ut confortet debiles; & sensus cœlestes, terrenos reprimant. Irâ infestor: Dimitte nobis debita nostra, sicut & nos dimittimus debitoribus nostris, quod promittitur mitibus. Gulâ tentor: Et ne nos inducas in tentationem; quâ primi parentes prostrati sunt Denique Acediâ opprimor: Sed libera nos à malo; & à periculoso in rebus divinis tædio, quod omnium malorum est origo. Amen.*

III. *Petitio Luminis, ad Filium Dei.*

O Sapiencia Patris, Lumen de Lumine, & Lux mundi indeficiens! illumina me, ut cognoscam te, & charitatem, quâ dignaris venire ad me, intelligam, quo me extremâ industriâ præparem. O auctor & consummator fidei, Jesu! illumina me in fide; ut in omnibus tentationibus resistam fortis in fide diabolo; qui ab incredulis timetur ut leo, à fortibus in fide ut vermis contemnitur. S. Isidorus l. 3. de summo bono c. 5.

N

Illa-



Illumina me in spe, Protector meus & clypeus omnibus sperantibus in te, ut abundem in spe & semper expectem ac desiderem te summè desiderabilem: tu enim es *Spes mea à juventute mea*, Psalm. 70. *Tu es Spes omnium finium terra.* Psalm. 64.

Illumina me in charitate, ut diligam te, Domine, & omnia sensuum blandimenta amore tui respuam, ô Deus meus & omnia! & cum famula tua Gertrude exclamem animatus: l. 2. c. 66.

» O amœnitas omnium colorum, dul-  
 » cor omnium saporum, delectatio om-  
 » nium sonorum, suavis amœnitas ample-  
 » xuum intimorum, superfluens abyssus  
 » divinitatis: Te omni creaturæ præligo  
 » propter te omni delectationi abrenun-  
 » tio; pro te omni adversitati obvio; in his  
 » omnibus te unicum laudatorem requi-  
 » ro; Tu animæ meæ vita; tecum sit affe-  
 » ctio cordis mei, vi ardoris amatorii con-  
 » flata. Utinam in omni, ad quod sine te  
 » tendit anima mea, reddatur inanimata  
 » ut in te vivida tecum arctissimo amoris  
 » vinculo colligata permaneat.



IV. *Petitio charitatis ad Spiritum S.*

O Divine Spiritus ! amor incarnate & Ignis dilectionis æternæ ! ecce ego tepidus anhele ad te, sub Eucharistico velamine latentem, ut totus accendar à te.

Diligam te Domine, amore spirituali, quo omnia peccata odio habeam, omnes imperfectiones fugiam, & te unicum bonum meum omnibus creatis anteponam.

Diligam te Domine, amore inseparabili, quo semper in cogitatione & affectu te præsentem habeam, donec in regno tuo facie ad faciem te videam.

Diligam te Domine, amore infatigabili, quo nunquam à contemplatione perfectionum tuarum, nunquam à desiderio perfecti amoris tui, & studio bonorum operum desistam, donec in æternitate te inveniam.

Diligam te Domine amore incontaminabili, quo quidquid in mundo est concupiscentiæ abjiciam, ut me à seculo hoc immaculatum custodiam, donec ad puritatem increatam perveniam.

Diligam te Domine amore dulci & inextinguibili, quo nihil me fatiet, nihil delectet



nisi Bonitas æterna, quam in omnibus  
quæram, donec in cœlo apprehendam.

Diligam te Domine, amore libero, quo  
hostes meos contemnam, omnia cum  
summa spiritus libertate perficiam, donec  
ad libertatem Filiorum Dei conscendam.

Diligam te Domine, amore insupera-  
bili, quo nullis adversis cadam, & unum  
quodammodo tecum efficiar, ac cum A-  
postolo dicam: Quis me separabit à cha-  
ritate?

O Veni sancte Spiritus, reple tuorum  
corda fidelium, & tui amoris in eis ignem  
accende!

FERIA II.

I. *Suspiria ad impetrandum Spiritum Sanctum ejusque Dona.*

O JESU Nazarene! flos de radice Jesse  
super quem, vi unionis hypostatica  
necessariò & connaturaliter requiescit  
Spiritus Domini cum septem donis suis  
in gradu excellentissimo; dispone me præ-  
veniente gratiâ tuâ, dignumq; me effice  
ad quem divertas, tecumq; Spiritum San-  
ctum adducas, qui septem sua charismata  
in gradu eminente mihi communicet.

Veniat



Veniat, obsecro, in me *Spiritus Sapientia!* quo divina & æterna profundè contempler, & secundùm ea de omnibus rectè decernam & judicem.

Descendat in me *Spiritus Scientia!* quo temporalia, & modum illis benè ad salutem utendi cognoscam.

Requiescat in me *Spiritus Intellectus!* quo obscura intelligam, & in adyta Scripturarum penetrem.

Habiter in me *Spiritus Consilii!* quo omnes meas & proximorum actiones honestè dirigam.

Iruat in me *Spiritus Fortitudinis!* quo adversa quævis, etiam martyrium, propter te Deum meum libenter sustineam.

Regnet in me *Spiritus Pietatis* seu Religionis! quo te Deum meum ut summum Parentem summâ reverentiâ colam: proximis verò tanquam Fratribus omnem æquitatem, & benevolentiam, unius Dei communis Parentis causâ exhibeam.

Denique configat & confirmet me *Spiritus Timoris Domini!* non servilis sed filialis, omnium virtutum fons & decus; ut Spiritu Sancto repletus Sacerdotalia



munia sanctè peragam ; semper ex spiritu cogitem, ex spiritu agam, ex spiritu loquar magnalia Dei.

*II. Suspiria ad Spiritum Sanctum.*

**V**eni Sancte Spiritus, Legislator optime, Legem timoris servilis in me dele & legem charitatis divinæ omnium fidelium cordibus inscribe.

Veni, ô Spiritus veritatis ! & omnem veritatem me doce; detege fallacia mundi principia, vera carnis blandimenta & diaboli nociva mendacia ; ut tua amplectar sancta dogmata.

O fiat repentè de cœlo sonus ! qui res totumque mundum percellat, atque è veterino tepiditatis, ac peccati lethargo excitet.

O Lingua ignea ! descende super me, & velut carbone ignito linguam meam tange, ut à vitis purgata vel de Deo, vel cum Deo ardentè semper loquatur.

Veni, ô Divine Auster ! perfla hortum animæ meæ, & fluent virtutum aromata.

Veni, ô Spiritus vehemens ! totamque domum mentis meæ reple : concupiscentiarum mearum ardorem tempera : imper-

fectio-



fectionum paleas exsuffla : & cymbam animæ meæ ad portum perfectionis & felicitatis æternitatis suaviter & efficaciter dirige.

Veni, ô ignis & flamma divini amoris ! & omnium mortalium pectora succende, purificer à te, ut purificem alios; illuminer à te, ut illuminem alios; accendar à te, ut accendam alios: ideo enim de cœlo mittaris, & quid vis nisi ut accendamus?

## FERIA III.

*Suspiria pro impetrandis 12. Fructibus Spiritus Sancti.*

I.

O Salvator dilectissime ! mihi mox in dulcissimo Eucharistiæ Sacramento intimè conjungende: Tu arbor es cœlestis paradisi adferens fructus duodecim per menses singulos. *Apoc. 22.* Ego verò sum oleaster inutilis ac sterilis; quare instantissimè obsecro; inserar in te velut in bonam olivam, ut fructus bonos & copiosos proferam. Tu vitis, nos palmites: tu oliva fructifera, nos steriles: tu arbor vitæ, nos mortis propagines: ah inserar in te, uniar tibi, ut auxilio & favore tuo fructus no-

N 4

VOS



vos & recentes producam tuis non abli-  
miles: tu enim dixisti: Qui manducat me-  
am carnem & bibit meum sanguinem, in  
me manet, & ego in eo. *Joan. 6.* Mandu-  
cem igitur te, ut maneat in me & simus  
uterque unus spiritus, quemadmodum  
ramus insertus est unus cum suo stipite.

## I I.

O Fecundissima vitæ arbor! in medio  
Paradisi, seu Ecclesiæ plantata, moxq;  
in corde meo, mediante Sacramento ama-  
bili plantanda: profer in me, & fac ut ego  
tecum proferam duodecim fructus Spi-  
ritûs: ac

Primò quidem in hac sacra Commu-  
nitione excellenter erumpat *Charitas*, que  
me cum Deo meo, cum summo Bono  
meo, cum Patre & Filio & Spiritu Sancto  
intimè conjungat.

II. Deinde enascatur in anima mea  
*Gaudium* in Spiritu Sancto, quòd cor me-  
um totum lætificet atq; confirmet.

III. Oriatur *Pax*, quæ exsuperet om-  
nem sensum, pacificetque carnem & spi-  
ritum, & spiritum meum cum Divino  
connectat.



IV. Exsurgat *Patientia*, quæ in laboribus & tribulationibus exulter adeò, ut deinceps in nullo glorietur, nisi in cruce Domini nostri Jesu Christi.

## III.

O Fertilissima vitæ cœlestis arbor; mearentem surculum gratiæ succo inebria, ut V. germinet in me *Benignitas*, quæ omnibus etiam hostibus beneficiat.

VI. Propullulet *Bonitas*, quæ omnibus me suavem & amabilem reddat.

VII. Protuberet *Longanimitas*, quæ adversa quævis diu sustineat & speret.

VIII. Crescat *Mansuetudo*, quæ iram subinde effervescentem cohibeat, meque ex animo mitem efficiat.

## IV.

O Arbor paradisiaca! sterili cordis mei fundo committenda, palmitem aridum gratiæ tuæ rore irriga; ut IX. *Fides* quoque in me vireat quâ certissimè credam, de hoc præsertim fidei mysterio, quod Deus revelavit, & me obtenturum confidam quæ promisit.

X. Promicet *Modestia*, quæ omnes in me exteriores corporis motus decenter componat & moderetur.

N 5 XI.



XI. *Vigeat Continentia*, quæ passio-  
num impetus intra legitimos limites  
contineat.

XII. Denique floreat *Castitas*, quæ  
corpus & animam meam angelicâ puri-  
tate sanctificet.

Ad extremum, O Jesu Arbor vitæ no-  
bilissima, per gratiam hujus Sacramenti  
fructiferi clementer indulge, ut fructus  
hi omnes, quos in me producere dignaberis,  
sani sint, recentes, diuturni ac copiosi,  
quibus salus renovatio, ac reformatio spiri-  
tus mei constanter ad finem usque  
conservetur & augeatur. Amen.

FERIA IV.

*Orationes pro obtinendis virtutibus  
veluti dispositionibus ad gratias  
gratis datas.*

I.

Domine Jesu Christe, potens opere &  
sermone; tu posuisti olim in Ecclesia  
tua primùm quidem Apostolos, secundùm  
Prophetas, tertio Doctores, deinde Vir-  
tutes & gratias curationum, cæterasque  
dividens singulis pro beneplacito: nunc  
quid hodie dum manus tua abbreviata est



aut non indiget Ecclesia tua, jam satis radicata, irrigatione hac? Ecce Domine, Regna integra & Provinciæ millionibus infidelium & Hæreticorum scatent. Selige, obsecro, & mitte viros Apostolicos ad gentes hæc convulsas & dilaceratas ne in opprobrium tuum Infernus animabus damnatis ultrà oppleatur. O si indignus ego inter præcones istos, & gloriæ tuæ instrumenta recenseri merear! Evehe me quæso cum aliis plurimis ad tam præcellentem virtutem & humilitatem ut dignus efficiar cui animarum zelum, & gratias nonnullas gratis datas ad conversionem fidelium & infidelium, absque damno meo communices.

## I I.

**N**Everò, Salvator mi, horum donorum præcellentia, occasionem vanitatis & ruinæ præbeat, mitte Spiritum Sanctum tuum de cœlis, qui in omnibus nos dirigat; & totum hoc ædificium, ut sapiens Architectus super firmam Petram non more Diaboli super arenam mobilem fundet. Solidet inquam illud in perfecta tui imitatione & omnium vanita-

N 6

tuum



tum ac visibilibus contemptu. O divine Spiritus, jamjam ad me in Sacramento cum Patre & Filio venture; pone te prius ut signaculum super cor meum, cœlestes ei virtutes imprimens, ac postea etiam ut signaculum super brachium, ad opera heroica fortitudinem tribuens. Absconde prius ignem divini Amoris in sinu meo per efficaciam sanctissimi Sacramenti; ut post inde prodeat ac vestimenta ardeant & luceant. Ne velut statua Nabuchodonosoris, luteis pedibus, tentatione irruente, corruam & comminuar.

## III.

O Ignis qui semper ardes & nunquam extingueris! activâ Eucharistiæ virtute consume in me vitiorum scoriam, ut luceam clariùs & luculentiùs ardeam. Impelle me prius ad peragendum cum extrema perfectione & fervore ordinaria; ac postmodum, si ad gloriam tuam conduxerit, eleva me ad singularia, tam quoad interiora orationis & contemplationis domina, quàm ad externa vitæ activæ opera: ut hac ratione gratiæ tuæ efficaciam, sapientiæ sublimitatē, & omnipotentiae magnitudinem in me demonstres. IV.



## I V.

**O** Divine Spiritus! qui primis Christianis tam sublimem vitæ perfectionem inspirasti, eosdemque ad illam assequendam adjuvisti; præcellas hasce Christiano & vel maximè Sacerdote dignas Virtutes cordi meo infere. Communica mihi fidem adeò certam, ut Mysteria divina tam firmiter credam, ac si oculis cernerem. Largire spem adeò securam, ut promissa divina ita sperem, ac si illa jam possiderem. Tribue mihi fiduciam adeò firmam in oratione, ut quod aliàs est ex mera gratia tam constanter ac firmiter petam, atque si esset debitum ex iustitia. Concede Obedientiam adeò promptam in rebus arduis ac difficillimis, atque si facillimæ essent & jucundæ. Præbe pœnitentiam adeò invictam, ut magno animo labores quoscunque tolerem, aliàs intolerabiles. Imprime cordi meo effusam misericordiam, succende animarum zelum infatigabilem & charitatem amore tui omnia sustinentem, etiam tormenta & martyrium.

N 7

FERIA



*Petitiones pro gratis gratis datis à  
Spiritu S. obtinendis.*

**O** Divine Spiritus ! ubi prædictis Virtutibus tam excelsis me alióque instruxeris , & contra omnem vanitatis assultum præmuniveris , sequentes favores audebo confidenter petere , nixus Christi meritis , & liberalitate tuâ immensâ fretus.

I. Veni sancte Spiritus , & cum Patre & Filio , sub speciebus Eucharisticis me visitante , largâ manu dona tua imperpetuum Da mihi aliisque innumeris servis tuis in primis *Sermonem Sapientia* , quo ornati sublimia & occulta divina mysteria alios rectè doceamus & explicemus.

II. Deinde ô sancte Spiritus ! largire quoque nobis *Sermonem Scientia* , quo magnalia Dei , ex ipsis creaturis tanquam manuum ejus operibus deducta hominibus aptè persuadeamus.

III. Tribue nobis quoque ô Beate Spiritus *Gratiam fidei* , quâ ordinarios fidei articulos & veritates mortalibus ritè persuadeamus.



IV. Præsta quoque ( si ad gloriam tuam aliorumque salutem expediat ) famulis tuis virtute excellentibus *Gratiam sanitatum* , quâ infirmos sanitati restituant : atque ita plurimos convertant & in fide confirmant.

V. Concede etiam ( si ad gloriam conducat ) *operationem Virtutum* iisdem fidelibus servis tuis , ut ea per hos velut instrumenta , prodigia patres quæ mundum faciunt omnipotentiam tuam obstupescere , & infinitam majestatem tuam deprædicare.

VI. Infunde præterea nonnullis , si redundet in gloriam tuam *Gratiam Prophetia* , quâ futura in bonum alienæ salutis certissimè revelent.

VII. Mitte quàm plurimos viros Apostolicos ad varias gentes hæreticas , barbaras & infidelitatis tenebris oppressas , eosdemque dono & *Gratiâ linguarum* instrue , ut ab omnibus , de negotio Salutis agentes intelligi valeant : O si illis annumerari mererer.

VIII. Ad hæc segrega viros alios insignes , iisdemque *gratiam discretionis spirituum*



*rituum* elargire, ut pro salute proximi,  
arcana, quæ in corde ejus geruntur ape-  
riant.

IX. Prædictis denique, O Spiritus  
Sancte! adjungere dignare *Donum inter-  
pretationis Sermonum*, quo res obscuras  
variis modis à te revelatas declarent, ad  
maiores agnitionem, laudem & amorem  
sanctissimæ Trinitatis. Amen.

*Oratio ad Christum Dominum  
Pro impetrando ejus Spiritu.*

O Saluator mi! quemadmodum Elias  
in Paradisum raptus, pallium & si-  
mul cum eo ferventem spiritum suum du-  
plicem Elisæo reliquit; ita tu in cælum  
ascendens pro hæreditate, Ecclesiæ tuæ &  
cuiusvis ejus justo pretiosissimam carnis tuæ  
vestem in Sacramento altaris reliquisti, ut  
ejus sumptione, unumquemque alterum  
quasi Christum efficias per similitudinem.  
Obsecro te, ut fiat in me spiritus tuus du-  
plex: spiritus scilicet amoris Dei & amo-  
ris proximi: spiritus exercendi opera vitæ  
activæ & opera vitæ contemplativæ:  
spiritus mortificationis & orationis: spi-  
ritus



ritus faciendi & docendi : denique spiritus gratiarum & virtutum in proprium meum commodum , & gratiarum gratis datarum , in commodum aliorum : ita ut per efficacissimam factæ hujus communionis virtutem fiat discipulus sicut est Magister ejus ; eaque faciat opera admiranda, quæ ille fecit , ad solam & majorem Magistri sui honorem & gloriam. Amen.

## FERIA VI.

*Petitio Charitatis ad Patrem cœlestem.*

## I.

O Pater æterne ! Quid juvat , si linguis hominum loquar & Angelorum, charitatem autem non habeam ? nunquid ero velut æsonans aut cymbalum tinniens, cujus sonus, non vivus, sed mortuus, alios excitat ad faciendum quod sonus indicat ; ipsum verò loco non movetur ? Quare gratiam tuam copiosam mihi infunde ; ut emuler charismata meliora , & adhuc excellentiorem viam , quam demonstrat Apostolus , ingrediar , viam scilicet divinæ charitatis, quæ omnium virtutum & gratiarum vita & anima est. O Sacramentum amoris ! confer mihi hodie te sumentibus hanc



hanc gratiam: ut diligam te, Domine, vitus mea, & diligar à te, tibi que soli placeam. Amen.

## I I.

**O** Christe Fili Dei vivi! qui dixisti: Ignem veni mittere in terram, & quod volo nisi ut accendatur? mitte, quæso, hac sacra Communione ignem hunc divini amoris in frigidum cor meum, ut accendatur & ardeat. Communica mihi tam sublime charitatis supernaturalis donum, sine qua omnes aliæ gratiæ sine merito & mortuæ reputantur: *Si enim habuero prophetiam & noverim mysteria omnia & omnem scientiam, & habuero fidem, ita ut montes transferam; charitatem autem non habuero, nihil sum, quia in nihilo, in peccato remaneo. Absorbeat me igitur, mi Jesu, vis melliflua amoris tui, ut amore amoris tui vivam & moriar, qui amore mei dignatus es mori, sed nunc vivis & regnas in secula, Amen.*

## I I I.

**O** Divine Spiritus! ignis amoris ad cuius incendium Pater in Filium, & Filius in Patrem mutuâ dilectione eliquatur: in hac



hac sacræ Eucharistiæ perceptione infun-  
 de obsecro animæ meæ tepidæ genuinum  
 Dei & proximi amorem, qui solus Filios  
 Dei à filiis diaboli, Discipulos Christi à di-  
 scipulis mundi discernit. Hoc pretioso  
 amore obtento dives sum, eo remoto, in  
 inopia & miseria permaneo: *si enim di-*  
*stribuero in cibos pauperum omnes facult-*  
*ates meas, & si tradidero corpus meum,*  
*ita ut ardeam; charitatem autem non ha-*  
*buerò, nihil mihi prodest,* quia in peccato  
 hæreo, etiamsi profit aliis, quorum neces-  
 sitatibus subvenio; & licet corpus ardeat,  
 cor tamen alget. Quare ô Sancte Spiritus  
 vinculum & nexus amoris inter Patrem  
 & Filium, hoc me tecum amore conjun-  
 ge, qui omnium vitiorum sit interitus,  
 operum verò sanctorum principium; qui  
 omnes, omnes virtutes secum colligatas  
 adducat, & tanquam Regina omnibus im-  
 peret: hunc amorem si dederis, di-  
 ves sum satis, & nihil ultra de-  
 sidero. Amen.

☉(o)☉

SAB-



*Orationes pro obtinendis effectibus divinae charitatis.*

*Oratio 1. ad Deum Patrem.*

O Infinita Charitas, Deus meus & omnia! distribue gratias reliquas pro libitu cui volueris; hanc mihi praesta ceteris majorem, ut perfectâ charitate perpetuo te diligam. O Pater aeternae unâ cum Filio infinitum spirans amorem, qui est Spiritus Sanctus! inspira mihi, licet indigno, spiritum tuæ dilectionis, per quem agam in utilitatem propriam, quod per gratias gratis datas agerem ad utilitatem alienam. Obtineam in hac sacrae synaxeos frequentatione hunc spiritum tuæ charitatis, qui proprium habet donum linguarum, non carnis sed ignis, non linguarum solum hominum, sed & Angelorum; quo cum Deo meo loquar in psalmis & hymnis ac canticis spiritualibus, cum gratiarum actione aliisque tenerrimis affectibus; cum proximo verò loquar verbis amore sancto accensis, omniumque necessitatibus, omnibus omnia factus, me accommodem.

*Oratio*



*Oratio II. ad Filium Dei.*

A Mantissime Redemptor, qui amicos  
 & servos tuos in te credentes, & cha-  
 ritate perfectâ te diligentes, magna, imò  
 majora, quàm tu ipse præstiteris, factu-  
 ros prodigia promifisti; Ego, Domine,  
 relinquam hæc admiranda aliis digniori-  
 bus: unum ad sacram Eucharistiam ac-  
 cessurus peto humillimè donum scilicet  
 & effectus charitatis divinæ; hoc enim  
 donum & suum habet donum Sapientiæ  
 & scientiæ ad mysteria divina penetranda;  
 cui enim ea manifesta, nisi amicis tuis?  
 qui verò sunt amici tui nisi charitate præ-  
 dit? hoc donum per gratiam tuam nun-  
 quam exciderit, veluti Prophetia, scientia  
 & linguæ; sed incipiet in hac vita & æ-  
 ternum permanebit in altera. Hoc do-  
 num, cor meum è carnali in spirituale  
 commutabit, optatâ metamorphosi &  
 miracula spiritualia non deerunt, incre-  
 dibilia iis, qui non diligunt. Mundus  
 enim magni facit divitias, charitas autem  
 spernit: mundus ambit honores, charitas  
 contemnit: mundum quies & prosperitas de-  
 lectat, charitas in labore & adversis exul-



tat; mundus sanitatem & vitam longam amat; charitas infirmitatem amplectitur, mortem non timet, vitam & sanguinem pro dilectis profundere non recusat. Hæc & non alia signa, sacratissima corporis & sanguinis tui perceptio in anima mea edere dignetur, ut gloriam tuam in hoc mundo propagem, & laudem coram te Deo meo & Angelis eximiam reportem. Amen.

*Oratio III. ad Spiritum sanctum.*

**O** Beatissime Spiritus! tu ardor es immensus, quo Pater & Filius mutuos in amores effervescent: tu halitus es, quo se afflant: complexus es, quo se amant: unio quâ se nectunt, nodus quo se stringunt, obsecro & obtestor te instantissimè, dum in hac sacra Synaxi cum Patre & Filio descendis in me & mansionem apud me facis, accende me, affla me, complectere me, necte & astringe me tibi, ut totus charitate divinâ inflammatus, tecum unitus, ac unus spiritus effectus ut instrumentum gloriæ tuæ elever ad maxima in Christianis tepidis, hæreticis perveris, & infidelibus excæcatis perpetranda. Hoc

fine



me, velut olim Apostolos, primosque  
 Christianos, per timorem me purga, li-  
 quefac per pietatem, per fortitudinem  
 consolida, per consilium ad cœlestia men-  
 tem eleva, per scientiam exorna, per in-  
 tellectum illumina, per sapientiam dul-  
 cedine reple. Veni sancte Spiritus & tui  
 amoris ignem in nobis accende! Veni ô  
 Charitas! & totum me posside. Regna  
 in me ô Charitas! gratia gratiarum, vir-  
 tutum regina, operum sanctorum prin-  
 cipium, radix meritorum, fons saliens in-  
 vitam æternam. Hoc unicè oro, hoc peto  
 per Jesum Christum, qui *ignem & Spiri-  
 tum manducandum & bibendum nobis  
 prestavit carne vestitis, corpus scilicet &  
 sanguinem suum.* S. Ephrem. de Nat.  
 Dei cap. 5.

*Oratio ad B. V. Mariam.*

O Virgo gratiosissima, charitate & Spi-  
 ritus sancti donis plenissima; hunc  
 tibi à Filio tuo omnis charitatis fonte fa-  
 vorem impetra, ut ita me ad hoc sacrifi-  
 cium peragendum & Spiritum sanctum  
 recipiendum præparem, quemadmodum  
 ad Spiritum sanctum in Pentecoste, &  
 Filium



Filium tuum in communione suscipiendum præparasti, ut similem quoque charitatis fervorem obtineam. Per eundem Christum Dominum nostrum.

*Oratio ad S. Angelum Custodem.*

○ Sancte mi Angele Custos assiste mihi sacrificanti, juxta aram cœlestis incensi, plurimis Cherubinis & Seraphinis stipatus; quo cogitatione cherubicâ illustratus divinorum mysteriorum sublimitatem cognoscam; & charitate seraphicâ succensus eadem tractem. Amen.

*Oratio ad Sanctum hodiernum.*

○ Sancte N. signis & prodigiis in vita & post mortem editis clarissime, impetra mihi, obsecro, effectus charitatis admirandos, ut digniore efficiar ad sumendum & tractandum omnis charitatis fontem, omnis boni plenitudinem. Amen.

### SUB SACRIFICIO.

*Roga Christum Dominum ut juxta promissionem suam, mittat Spiritum Sanctum, qui te veluti olim Apostolos in alium virum commutet: nam Spiritus Sanctus teste S. Chryostomo in acta Hom. 4.*



Ad quoscunque accesserit, eos pro luteis aureos reddit. Erant illi ante infirma mundi, ex demonum subjectione vanè gloriabundi, de majoratu contentiosi, iracundi volentes fulmina mitti in civitatem tristitia & timore percussi, fugam in negatione Christi inquinati &c. Ast accepto Spiritu S. studiis planè contrariis imbuti, mundo sibiq; mortui, cælo & Deo pleni, & ab ubertate gratiarum cælestium quasi musto ebrii, sal terra, mundi luminaria. Similem imitationem tui flagita. Ad initium Sacri, debilitatem & fragilitatem tuam confitere, tepiditatem agnosce & dole. Deinde ignem Spiritus S. ut easq; ejusdem proprietates exposce, ut purificeris & purifices, illumineris & illumines, accendaris & accendas corde & lingua igneâ nihil desiderans, nihil loquens nisi Deum.

Aut si varietas delectet, utere praxi juris nostri Joannis Pauli Olive XI. Societatis nostræ Generalis, vel si hæc prolixior nonnulla gustui tuo accommodatiora tibi selige.

O

Praxis



## Praxis Sacrificandi

P. N. Joannis Pauli Olive Generalis XL  
Societatis.

Ad solam & majorem Dei Gloriam:

1. *Statim post oblatum Deipara pectus, advocare sanctissimum Domini Precursorem, ut pectori nostro illabatur ad custodiam, paraturus Domino viam & domicilium.*

2. *Antequam descendatur in sacrarium, premisso contritionis actu ferventissimo, petere à quinque sanctis nostris Tutelaribus nomen Virginis; & à Bernardo quidem lacrymam unam Deiparae, & à Petro Damiano Dominici cruoris guttulam postulare; quae duae gemmae hinc & hinc infixae pectori gratiores nos prestabunt venturo Agno.*

3. *Quando manus abluimus, invocentur M. Magdalena: Maria Aegyptiaca, Pelagia, Theodora, Thais, Luce poenitens, David, Paulus, Augustinus, mixtis praesertim cruori Domini & Dominae lacrymis, interim actus contritionis eliciatur.*



4. Induant nos sancta Mulieres, quae morienti Domino adfuerunt, extractis per Virginem sacerdotalibus indumentis, & vulneribus Salvatoris. Porro dum vestimur, animo concipiamus, quae ore profesimus; nempe robur contra tentationes, candoris desiderium, pudoris custodiam, laboris cupiditatem, dominici jugi non tolerantiam modo, verum etiam ambitionem.

5. Dum progredimur ad altare, meminerimus quâ reverentiâ & Charitate ad curas Filii Dei Mater accederet, tantam vicissimam oblatura.

6. Invocentur Nicodemus & Joseph, dum sacrum corporale explicatur.

7. Toto Confessionis & Introitus tempore persistamus ad pedes Virginis, elicitâ contritione quâ possumus vehementissimâ, ad id invocatis Davide, Magdalenâ, Paulo & Augustino, eoque poenitentium regum, quem pientissimus Climacus suis gradibus collocavit.

8. Dum accedimus Aram osculari uni Magdalena innitemur, ut suis osculis doceat nos osculum Charitatis. In Missa introitu imploremus Religiosorum



*Ordinum Patriarchas Dominicum praesertim & Benedictum.*

9. *Ad Kyrie eleison rogetur Deus ne misereatur nostri, menti nostra imprimendo aternitatem intercessione S. Ephrem*

10. *Angelorum Chori universi advo-centur, dum inchoatur, Gloria in excel-sis, praeipuo affectu prosequendo illa ver-ba: Gratias agimus tibi &c. Dum autem dicimus suscipe deprecationem nostram, nomen Virginis postuletur.*

11. *Orationes recitemus quàm devo-tissimè, ac si personam Virginis ageremus, cum nomine Ecclesiae supplicaret.*

12. *Ad Epistolam satis est, authorem invocare, ut doctrinam eam tum nobis insculpat, tum circumstanti nos Populo.*

13. *Dum petimus Benedictionem E-vangelium recitaturi, confugiamus ad Isaiam & Cherubim ut nostra perpurgent labia, invocato etiam S. Antonio, quo eam nobis & populo docilitatem impetret, quàm ipse olim obediit Evangelio. Patro-nus autem, dum Evangelium recitatur, erit is qui illud scripsit.*

14. *Ad Credo vita nostra offeratur*

alacri  
plorato

15.

pariter

cryme

florum

no aut

Deo ve

16.

deaross

finum,

merita

ferantur

sanctis

17.

bi cum

bitur in

libris

Domini

18.

tuntur

nostris, e

19.

Sulcipe

mur &

lum die

ala



alacriter Domino pro fidei confessione, implorato auxilio Patrum SS. Nicena synodi.

15. Dum Hostia offertur, offerantur pariter cum illa Sanguis Jesu. Mariae Lacryme, Angelorum Thymiama, & Sanctorum pretiosissimi Cineres. Cum Augustino autem eliciatur actus consequenda à Deo venia pro meritis Christi.

16. Dum aqua vino infunditur, gaudeamus allapsam olim Verbum in Virginis sinum, quorum nempe Christi & Matris merita pro conversione mundi univarsi offerantur Patri, opitulatores Monachis sancti Cœnobii Lerinensis.

17. In spiritu Humilitatis, Daniel nobiscum orabit. Veni sanctificator, recitabitur in cœnaculo cum Discipulis & Mulieribus sanctis, quibus illapsus est Spiritus Domini.

18. Dum digiti abluantur, invocantur iterum Sancti Pœnitentes Patroni nostri, emissâ contritione ardentissimâ.

19. Aderit S. Gregorius M. dicentibus: Suscipe sancta Trinitas. Angelos alloquimur & implorabimus, cum versi ad populum dicimus: Orate fratres.

O 3

20. Pre-



20. *Præfatio erit in laudem incarnati Verbi, quod Regem nostrum animo propensissimo profitebimur, implorato S. Hieronymo.*

21. *Teigitur, nobiscum inchoabit S. Athanasius Trinitatis obsequentissimus. Monica prosequetur Memento, qua sanctificare potuit quos Domino commendavit. Communicantes advocabit Naziansenum sanctorum præconem eximium. Hancigitur oblationem, Basilus offeret.*

22. *Inchoaturi, qui pridie quam patretur, Apostolos omnes adesse precabimur, cum Principibus, ut gallicâ utamur phrasî, sanguinis & regni, nempe Abraham, Isaac, Jacob, Davide, Joachim, Annâ, Joseph & Gabriele, precati ut inter eos Sacerdotes adlegamur, quos sibi Christus Eucharistiam instituturus præscripsit: ejusdem Domini gratiarum actione oblatâ Patri.*

23. *Post consecrationem offeremus Patri hostiam, pro collatis donis innumeris Beatissimæ Virgini, cujus nomen instantissimè postulabimus, offerendo pro augmento gloriæ ejus Unigenito vitam nostram. Porrò hostiam, quod etiam de calice dictum*



velim, Magdalena & Angelus Custos deferent Virgini, ut à Virgine offeratur Trinitati; in holocaustum Divinitatis, in gratiarum actionem pro beneficiis concessis in nos & in nostros, videlicet in SS. Patronos, & in eos quos nobis aut commendatos aut commissos habemus; in satisfactionem scelerum nostrorum, & impurationem quinque gemmarum, nempe Nominis, Honoris, Amoris, Religiositatis atque Aeternitatis: qui affectus frequentissimi erunt in tota Missa.

24. Calix offeretur iisdem deductoribus in honorem Dominice Incarnationis & passionis: quo deposito, rogabimus Magdalenam, ut in eo diluat scelera nostra. Joannem Chrysostomum ut & linguas nostras & Auditorum nostrorum aures perfundat cruore sancto. Monicam ut quos commendatos cupimus immergat calici. Odilonem, ut purgantes animas Christi cruore refrigeret. Ignatium denique, ut Societatem, & domum precipue quam incolimus ita sanguini Dominico immergat, ut non emergat. Exinde, ac si essemus Virgo ipsa Beatissima, eadem prorsus reverentiâ



rentiâ, fide, charitate & pœne dicimus  
divinitate, respiciemus, offeremus, tra-  
ctabimus Filium Dei & Deum nostrum.

25. Quando meminerimus Sacrificio-  
rum Abelis, Abrahami & Melchisedech,  
confundemur quod illi tam vilibus hostiis,  
tam mirè Domino litaverint, cum nostra  
frigescat oblatio, quâ tamen Dei Filius  
immolatur: propterea implorabimus eo-  
rum patrocinium.

26. Cum dicemus, Jube hoc perfecti  
per manus S. Angeli, Custodi Angelo vi-  
sima contradetur.

27. Ennuntiantes, Per ipsum &c. Im-  
plorabimus S. Ambrosium, rursus pro-  
cabimur Hilarionem, Martinum, Augu-  
stinum, ut nobis morituris adesse velint.  
Quando pronuntiamus, Omnis honor &  
gloria. Firmissimè statuemus immolata  
Christo omni gloriâ nostrâ, nunquam nos  
recessuros ab humilitate propositi & cordis  
nostri.

28. Pater noster recitaturis adstant  
nobis SS. Cyprianus & Chrysologus, qui  
orationem Dominicam interpretati sunt  
eam antem recitabimus quo affectu eam re-  
citamus



citam fuisse censendum est à B. Virgine,  
cum primò eam recitavit & ultimò.

29. Cum osculamur patenam, post Libe-  
ranos. Imaginemur Beatissimam Virgi-  
nem Filii cunas & fasciolas exosculantem.

30. Dividentibus Hostiam super cali-  
cem, nobiscum erunt cum S. Ignatio San-  
cti & Beati nostri, quibus commendabimus  
pacem Societatis, unionem & fervorem:  
dimittendo particulam in calicem gratu-  
labimur Beatissime Virgini Verbum in-  
fatum; exercebimus autem nos in iis acti-  
bus & affectibus, quos ipsam exercuisse non  
dubium est, dum Verbum concepit.

31. Ad Agnus Dei, intercessore S. Jo-  
anne Baptistà Christum precabimur, ut  
miseretur nostri tollendo à nobis, quod in-  
visum magis est Virgini in nobis.

32. S. Magdalena, dum recitamus ora-  
tiones ante communionem aderit nobis, imò  
nobiscum recitabit; quarum primam ut  
exaudiatur deferemus S. Gabrieli, secun-  
dam Anna & Joachim & Josepho, terti-  
am Beatissima Virgini. Panem cœlestem  
accipiemus implorando Centurionem &  
Chrysostomum, qui aureas optabat in Sa-  
cerdo-



cerdotibus dexteras. Dum Hostiam tenemus, Virginem imaginabimur Filium suum complectentem. S. Magdalena nobiscum veniam à Deo petet.

Ad primum Domine non sum dignus, patratorum in seculo scelerum: ad secundum admissorum in religione criminum: ad tertium admissarum post sacerdotium negligentiarum atq; defectuum. Tum incurvati eliciemus actus, quos supra dixi holocausti, contritionis &c. Petemus autem nomen Virginis ex quo arcana Scripturarum in nos redundent, quibus impinguetur & cor & lingua nostra. Petemus & pedes ex quibus fluant religiositas & aternitas. Hostiam porriget nobis diebus solemnioribus Beatissima Virgo, inferalibus S. Joannes Evangelista. Erecti statim petemus nomen Virginis ignei amoris plenissimum erga Patrem, Verbum & Spiritum sanctum; cui offeremus vitam & omnia nostra, eliciendo actus supradictos holocausti &c. Tum dicemus cum S. Francisco corde tantum: Deus meus & omnia.

33. Antequam calicem sumamus per manus boni Latronis, corde ad Deum clamabimus



rogabimus: Domine si vis potes me munda-  
re; tria ab illo petemus. I. Ut emundet  
delicta nostra. II. Ut semper sciamus &  
audiamus incipere vitam novam. III. Ut  
doceat nos extremas vite nostrae horas pre-  
tiosas reddere. Rogabimus etiam S. Mi-  
chaelem, ut nos ita diluat, quomodo in  
exitu nostro dilutos vellet. Rogabimus eti-  
am S. Moysen, ut Pharaonem cum exer-  
citu suo tentationes videlicet omnes in ma-  
rirubro divini cruoris demergat, non ne  
tentemur, sed ne ledamur.

34. Hausto divinissimo sanguine elicie-  
mus actus holocausti &c. offeremus meri-  
ta Christi, Virginis, Angelorum atq; San-  
ctorum, pro iis, quae summi Pontifices com-  
mendari volunt: ut è purgatorio ea anima  
liberetur, quam liberari gratius est B.  
Virgini.

35. Dum calicem porrigimus, invoca-  
bimus sanctos nostros Tutelares pro spiritu-  
ali sermone, nempe Honoratum, Benedi-  
ctum, Scholasticam, Aloysium & N.N. ut  
linguas nostras respergant sacratissimo san-  
guine & lacte Virginis, iis addendo duos  
illos Cherubim, quos Isaias clamantes au-  
divit,



divit, Sanctus, Sanctus, Sanctus, invocato eodem Prophetâ & Cherubim qui labia ejus exussit.

36. Ad ultimam ablutionem rogamus SS. Machabeos cum Matre & S. Patrem nostrum, ut legem Dei & leges nostras scribant in pectore nostro, & tuteantur.

37. Sumptâ ablutione tradatur pectus nostrum custodiendum illi Cherub, qui ad custodiam paradisi prepositus est. cui addamus Collegas duos ex Patribus veteris Testamenti, eos quotidie variando. Tum Virgo Beatissima pro nobis gratias agat Trinitati sanctissima pro tanto munere. Ipsi Virgini gratias agat Elisabeth cognata ejus cum omnibus sanctis Patronis nostris perfundente & perungente Magdalenâ divinum Christi Domini corpus.

38. Postcommunio tota erit pro liberatione illius anime, quam jam Domino commendavimus. Ad Placeat tibi: offerent Deo sacrificium nostrum S. Lucianus Martyr & S. Philippus Nerius, quorum alter catenatus sacrificavit in carcere, alter sacrificaturus rapiebatur in cœlum. Dum benedicimus populo, accipiemus benedictionem à Virgine.

39. D  
Christi  
admit  
bus al  
ti Do  
mus pr  
triarc  
Baptis  
40.  
mus ca  
nielem  
peccare  
sacro, o  
tatur a  
adoret,  
dicimus  
present  
precabi  
Ingr  
Christi  
altus a  
Deo & G  
expiati  
offerem  
ejus; ne  
tation  
Dum



39. Dum legimus In principio precabimur Christum Dominum & Virginem, ut nos admittant inter illos beatos amplexus, quibus alter alteri junctus est in primo instanti Dominica Incarnationis. Gratias agemus pro beneficio, recolendo desideria Patriarcharum & Prophetarum, S. Joannis Baptista & Joannis Evangelista.

40. Redeundo in sacrarium invocabimus cum tribus Pueris Susannam & Danielem, eâ mente ut malimus perire, quam peccare. Quoties autem genuflectimus in sacro, optabimus ut totus mundus convertatur ad Dominum, & SS. Trinitatem adoret, oblatâ ad id vitâ nostrâ. Quoties dicimus Dominus vobiscum divinam presentiam adstantium mentibus comprecabimur.

In gratiarum actione offeremus merita Christi &c. petemus nomen &c. eliciemus actus doloris &c. commendabimus nos Deo &c. Deinde tum pro munere, tum pro expiatione actionum nostrarum omnium offeremus Agno primarias actiones Matris ejus; nempe adherentiam in Conceptione, oblationem in presentatione, blanditias chari-



charitatis in Annuntiatione, devotionem  
atq; pietatem in Nativitate, indifferentiam  
in fuga, conformitatem in Calvario,  
sitim in praestolatione Paracliti, zelum in  
detestatione peccantium: oculorum mode-  
stiam, oris sanctitatem, gratitudinem cor-  
dis, Virginitatem, Humilitatem, Uni-  
formitatem, orationem, mortificationem,  
amorem & mortem. *Quae dum recolimus,  
detestabimur quidquid in his deliquimus.  
Exclamabimus denique cum Simone:  
Nunc dimittis. &c. respuendo omnino  
omnia, contenti Deo nostro.*

POST SACRIFICIUM.

*Oratio I. ad Deum Patrem.*

O Pater aeternae! quò potuit ulterius cha-  
ritas tua pervenire, quàm ut ipsum  
met Filium tuum dilectissimum & uni-  
genitum nobis donares? quid à te sperare  
non poterimus, qui pretiosum adeò do-  
num mundo largiris, non semel, sed mil-  
lies, ut omnes ad sacram mensam acce-  
dentes ejus queant esse participes? Qui  
summum Bonum nobis donas, quomodo  
alia minora negabis, quæ à Te petimus, ut

iiidem



illdem tibi , tanquam Filii benignissimo Patri serviamus? Si enim Filii hujus seculi, cum sint mali , norunt tamen bona data dare filiis suis, quantò magis, Pater noster cœlestis dabit Spiritum bonum petentibus eum ?

*Oratio I. I. ad Christum Dominum.*

○ Verbum omnipotens ! Verbum caro factum , quot olim verbo ex ore tuo procedente morbos curabas , mortuos suscitabas, peccatores convertebas, transmutabas corda, eaque donis tuis replebas: mare tranquillabas, ventis imperabas, dæmonia expellebas , hostes in terram prosternebas, omnia denique verbo tuo subiecta tenebas. Quid non sperem à te, quando cum omnipotentia & bonitate tua in Sacramento absconditum, & velut incognitò ad me venis, ut familiariùs mecum agas, eaq; in anima mea præstes, quæ dum in terra versareris efficiebas ?

Obsecro te , per viscera misericordiæ tuæ, verbo interno & gratiæ tuæ efficacitate me spiritualiter infirmum sana, mortuum suscita, peccatorem converte, commuta voluntatem , animum tranquilla,  
ten-



tentationes reprime, dæmones repelle, & omnibus hostibus meis detriumphatis, in pace deinceps vivam, atque in sanctitate & justitia serviam tibi omnibus diebus. Tantùm dic verbo, & statim omnipotentiam tuam in his omnibus experiar. Amen.

*Oratio III. ad Spiritum sanctum.*

**O** Sancte Spiritus, infinita Bonitas & Amor immense, fons sanctitatis, sanctifica obsecro, domum istam, quam ingredi & visitare modò dignatus es. Effundo coram Te animam meam imperfectam, ut tuâ eam sanctitate perficias: patet tibi malitia cordis mei, Bonitas tua eam corrige: tu nosti tenebras animæ meæ, dic ut in ea fiat lux & statim illustrabitur. Tu vides teporem meum; ignis ille tuus divinus me extimulet: jube in me quod volueris, & statim quod jusseris, perficietur. Qui cum Patre & Filio vivis & regnas in secula. Amen.

*Oratio IV. ad Patrem.*

**O** Pater Æterne! Pater luminum, à quo omne datum optimum & omne donum perfectum descendit: datum optimum per excellentiam est Filius tuus; & donum perfectum per excellen-

tiam est  
mo Sa  
dignari  
Pater tu  
quæ ad  
movit?  
intellec  
tum.  
qui à ve  
cedit:  
donis a  
lectum  
bus a c  
omnes  
num. A  
**O** Re  
ign  
volonit  
cro def  
terra, a  
dio ejus  
quid in  
id quod  
consum  
capacen  
tiam



riam est Spiritus Sanctus, qui in sanctissimo Sacramento unà tecum me visitare dignari sunt. Quas gratias tibi referam, Pater supreme, pro infinita charitate hac, quæ ad dona infinita mihi danda te permovet? Dedisti mihi Filium tuum, qui ab intellectu tuo procedit, tanquam Verbum tuum. Dedisti mihi Spiritum Sanctum qui à voluntate tua sicut amor tuus procedit: quid tibi, Domine, rependam pro donis a deo pretiosis? accipe, quæso, intellectum & voluntatem meam cum omnibus actionibus ab eis procedentibus, ut omnes ad gloriam tuam cedant in æternum. Amen.

*Oratio V. ad Filium.*

O Redemptor amantissime! qui dixisti: ignem veni mittere in terram, & quid volonisi ut accendatur? imple nunc obsecro desiderium tuum in hac animæ meæ terra, ad quam descendisti, excita in medio ejus ignem hunc, ut consumat quidquid in ea terrenum est, meque elevet ad id quod cœleste est. O Ignis consumens! consume in me quidquid tibi displicet, & capacem effice lucis, ardoris, agilitatis & activi-



activitatis, cœlestis ignis, ut perfectè in  
 eum transformatus ignis munus exercen-  
 di proximos à peccatis purificem, lumine  
 verò doctrinæ eos collustrem, & flammis  
 charitatis succendam, eorumque deside-  
 ria in cœlum levem, & cum Deo per unis-  
 onem veri amoris jungam. Amen.

*Oratio VI. ad Spiritum Sanctum.*

**O** Spiritus vitæ! conservans in Electis  
 vitam gratiæ, quâ respirant & concu-  
 piscentiæ ardorem mortificant, custodi  
 in me, obsecro, spiritualem vitam gratiæ,  
 & vitiorum flammam tempera: insuffla  
 quoque super interfectos, id est peccato-  
 res per universum mundum, eosdemque  
 ad vitam revoca, ut mecum laudent te in  
 secula.

**O** Cœlestis Favonie! purgans & sepa-  
 rans bonum à malo, perfectum ab imper-  
 fecto, pretiosum à vili, granum à palea:  
 Veni, aspira, purga, separa, à malo remo-  
 ve, ad bonum impelle, & velut ventus  
 amœnus, sanctitate spirituali me reple. **O**  
 Carbo divine! velut sol novo lumine, vel  
 ut ignis cœlesti calore, velut Magister do-  
 ctrinâ sacrâ, velut Medicus sanitate per-  
 fectâ



fectâ me bea: & quemadmodum Aposto-  
 los & Discipulos Domini repente in viros  
 alios commutasti; ita me in momento ex  
 timido audacem, ex imbecilli fortem, ex  
 ignaro sapientem, ex invido charitate fer-  
 ventem, ex ambizioso humilem, ex imper-  
 fecto, omni perfectione præstantem effi-  
 cere dignare; ut hac ratione mutatus, nihil  
 velim, nihil cupiam extra te, sed te plenus  
 & internâ præsentia tuâ satiatus te fruar  
 in vita, metâ & patriâ. Amen.

*1. Testimonium Patris æterni.*

Tres sunt qui testimonium dant in cœ-  
 lo Pater, Verbum & Spiritus sanctus,  
 & hi tres unum sunt, ait Discipulus quem  
 diligebat Jesus. *1. Ioan. 5.* O Pater æ-  
 terne! Tu devotè communicanti testi-  
 monium internum dare affoles præsentia  
 Filii tui in Sacramento, & excellentia pa-  
 nis vivi, dum omnipotentia tuâ facultates  
 animæ corroboras in Divino obsequio,  
 renovasque hîc testimonium olim in Ba-  
 ptismo & Transfiguratione à te datum:  
*Hic est Filius meus dilectus in quo mihi*  
*benè complacui, ipsum audite.* Da testi-  
 monium animæ meæ de præsentia Filii tui  
 dilecti



dilecti in sacra Eucharistia, ut hoc admirabile Trinitatis inventum, hoc saluberrimum Deitatis consilium, hoc ineffabile Amoris mysterium, hoc Omnipotentiae prodigium, Sapientiae arcanum, Bonitatis abyssum, vivacissime credam, firmissime sperem, ardentissime concupiscam & omni honore & cultu possibili diligentissime prosequar. Corroborata animae meae facultates in tuo servitio, & gratiam tuam mihi assiste, ut Filium tuum assidue audiam, eum cum amore suscipiam, velut Magistrum auscultem, velut Ducem sequar, nec desistam, donec assequar. Amen.

*11. Testimoniam Filij Dei.*

**TU** quoque, Fili Dei, testimonium dare soles praesentiae tuae, sacram Synaxin adeunti, dum Sapientiam tuam infinitam eum illustras, agenda edoces, renovasque hoc testimonium, à te olim in terris degente de temetipso datum: *Ego sum via, veritas & vita. Ego sum via* per quam ad perfectionem & ad caelum ambulandum est, ne aberretur. *Ego sum veritas*, cui credendum est, ut solatium & quies inveniantur. *Ego sum vita aeterna*, quae speranda &



procuranda est, ut beatitudo obtineatur.  
 O JESU! esto mihi in hac Communionem  
 sacra, *Via, veritas & vita*: esto mihi via,  
 per quam ambulem: esto mihi veritas in  
 qua requiescam: esto mihi vita & beati-  
 tudo in qua aeternum gaudeam. Amen.

III. *Testimonium Spiritus sancti.*

ET tu Divine Spiritus, in animam in-  
 gressus, Bonitate tuâ testimonium das  
 presentiae tuæ: nunc enim tanquam co-  
 lumba innocentia & puritate, quam effi-  
 cis, ac gemitibus, sensisque teneris excita-  
 tis testimonium præbes: nunc tanquam  
 ignis ferventibus amoris ac zeli affectibus  
 accensis & te Dei Filium intimè in anima  
 presentem esse attestaris. O Sancte Spiri-  
 tus ostende nunc obsecro in me signa tuæ  
 presentiae: velut columba innocentia &  
 puritate mentem exorna: gemitus, te-  
 neris que sensus in me excita; ac velut in-  
 flammatae activitatis ignis ardore charitatis &  
 animarum zelo me totum inflamma. Tri-  
 um enim testimonium unum est, tendens  
 ad unionem charitatis inter Deum & Ho-  
 minem, ut per intimam familiaritatem  
 unus fiant Spiritus. O fiat! fiat!

IV. *Testi-*



*IV. Testimonium Spiritus, Sanguinis  
& Aqua.*

**T**Res quoque sunt, qui testimonium dant in terra, Spiritus, deinde Sanguis & Aqua, quæ ex Domini mei Latere profluxerunt; in cuius signum aqua vino miscetur in calice. O Spiritus mei Salvatoris testimonium præbe præsentia Domini mei, dum tui similitudinem nempe Spiritum Christi mihi communicanti communicas. O Sanguis & aqua Redemptoris mei, lavacrum mihi perfectum conficite, magnam animæ puritatem & cordis fervorem concedendo; ut tanquam Leo ignem spirans ab hac mensa divina recedam factus diabolo terribilis, Sacrosanctæ verò Trinitati amabilis. Per Christum Dominum nostrum. Amen.

*Hymnus.*

Veni Sancte Spiritus & emitte callidus, &c.

